

**Latein**

19. Februar 2010, 15:50 Uhr

**Nuntii Latini Septimanales 19.2.2010**

Lateinischer Wochenrückblick 19. Februar 2010

**Incursio Afganistaniae**

In Afganistania milites civitatum confoederatarum incursionem coeperunt, qua maior non est facta, postquam ante decem annos Talibanorum dominatio eversa est. Petitur Helmand regio eius civitatis meridionalis, ubi plurimum possunt rebelles. Duobus missilibus deerrantibus duodecim homines imbelles interfecti sunt.

**Venit, vidit, offendit**

Guido Westerwelle Liberalium caput declaravit condiciones Germaniae sociales comparandas esse cum moribus depravatis Romanorum serae antiquitatis. Vituperavit auxilium civitatis nimium esse illis hominibus datum, qui quaestu carent. Angela Merkel cancellaria, quamquam coalitione ei consociata est, primum palam dixit se dissentire ab illo.



"Si quis populo opulentiam pollicetur sine labore partam, provocat, ut mores corrupti vigeant quales fuerunt Romanis serae antiquitatis."

**Ludi horrore tristes**

Ab initio Olympia hiberna vicesima prima, quae ad Vancouver urbem Canadensem habentur, calamitate gravissima contristata sunt. Ludis nondum coeptis Nodar Kumaritaschwili athleta Georgicus se exercens casu pernicioso vita privatus est. Id esse rem tristissimam Jaques Rogge consilii Olympici praeses dixit.

**Weitere Informationen:**

[Lateinischer Wochenrückblick 7/2010](#) →

Deutsche Version

Quelle: <http://www.radiobremen.de/nachrichten/latein/wochenrueckblick/latein/nachrichten156.html>